

Pitter am Senke on sinne Bruder Fritz

Wilhelm Pützer

Pitter am Senke on sinne Bruder Fritz

Se woren Jonggeselle on wonnden enem aule baufällige Hus, watt nu alt lang affgebrokee es. Der Pitter die-et sinn bru-et met bedele verdie-ene. De Bedelsack hat he quer üwer de Scholder hange, on an de Füt e paar gru-ete Blottsche. Sue jing he dann üwer de Dörper. Met denn Blottsche diet he denn Bure de Mest fasttradde, do-ß'r kreg he dann et Meddagete on och mols e Stöck Speck, udder wenn geschläit wor, en Wuusch. En der Tiet wor jo am Krommeweg noch de Brauerei on Brennerei onger Fritz Onterhüebel, on Pitter kom jiede Samsdag om dr Meddag, on hiel om e Meddagete ahn. Dann moß he sech su lang onger de dicke Kaschteieboom sätte, böß dat Onterhüebels jejete hadden, on dann kom e We-it ut dr Köch, on breit dem Pitter en döchtige Schöttel voll Ezezupp. Die diet de Pitter dann och ganz verputze, womet söß wal dre-i Mann satt wede konnten. Üwerhaupt hat dr Pitter immer ne jesonge Appitt. Wenn he dann die Schöttel ledig hat,

dann seit der Fritz Onterhüebel: „Pitter, jetz motz du och emol senge!“ Dann song dr Pitter: „Wenn wir nur das Hälfchen haben und das Mädél muß man haben, in dem Kämmerlein zu gehn, in den kleinen Wald zu gehen, du di di di dalelalela.“ Dat wor dat enzige Lied, dat dr Pitter üwerhaupt konnt.

Dem Pitter sinne Bruder Fritz wor ne Fleckschnieder, on diet en de Bockse neue Hengeschte ensette on de afgefranzde Nö-et an de Röck mett neue Lettsch (Stoßband) besette. Wenn dr Fritz de Arbeit fedig hadden, dann satt he sech newer de Husdör op de Bank, on waaden op dr Pitter, on wenn de dann kom, dann jingen se herenn, on dann wuet et Geld getällt, dat dr Pitter tesame geschnorrt hadden. Dat Geld wueden all sortiert en Kubbe (Schüsseln) on Köppkes (Tassen). On sue es et och gefonge worde, wie dr Pitter on dr Fritz duet wore.

Wilhelm Pützer

